

畿輔通志卷二百八十八

雜傳二 南北朝一

南北朝

順天府

公孫表

盧柔 子愷

盧潛

盧辯

弟光

光子賁

鮮于世榮

祖鴻勳

平鑒

周惠達

張耀

慕容三藏

盧思道

叔道裕  
兄昌衡

從

平季

保定府

孟業

許愷

許懋

子亨

孫善

許遵

子暉

許智藏

許爽子澄

李訢

子遠等

劇鵬

兄買奴

王質

永平府

寶瑗

怡峯

河間府

高湖弟恒

封懿子玄之等

黎景熙

邢邵

張昺

公孫景茂

高勸

劉炫

高頌

信都芳

劉龍

盧太翼

張胄玄

高遵

高肇子植等

封津

天津府

刁雍

王早

吳遵世

正定府

杜纂

賈顯度

弟智

魏收

房暉遠

魏澹

郎茂

魏蘭根

族姪愷

王溫

南北朝

順天府

公孫表字玄元燕郡廣陽人也爲慕容沖尙書郎慕容垂破

長子從入中山慕容寶收乃歸魏

北史

以使江南稱旨拜尙書

郎爲博士上韓非書二十卷太祖稱善太宗初賜爵固安子

奉詔討河西叛胡劉虎于上黨以輕進敗績于胡

魏書

泰常七

年宋武帝殂魏欲取河南侵地乃以奚斤爲都督以表爲吳

兵將軍廣州刺史

北史

剋滑臺大破宋將翟廣等于王樓遂攻

虎牢不能克士卒多死者始昌子蘇坦太史令王亮奏表屯

魏書 卷一百一十五  
軍失地利太宗乃使人夜就帳中縊而殺之時年六十四初  
表與渤海封愷友善嘗爲子求愷從女愷不許及封氏爲司  
馬國璠所逮太宗以舊族欲原之表固證其罪乃誅封氏人  
以此薄之太史令亮本與表同營署而表屢侮亮故亮譖之  
以至于死

魏書

盧柔字子剛范陽涿人魏驃騎府法曹參軍崇之子也少孤  
賴叔母撫之柔事叔母亦以孝聞性聰敏好學未冠解屬文  
司徒臨淮王彧器之以女妻焉魏孝武帝之詔賀拔勝牧荆  
州也柔謂可因以立功遂從之荊州爲大行臺郎中掌書記  
軍之機務柔多預之及勝爲太保以柔爲掾帝召勝率兵赴  
洛勝以問柔柔曰高歡意叵測公宜席卷赴都與決勝負存  
沒以之此上策也若北阻魯陽南并舊楚東連兗豫西接關

中帶甲十萬觀釁而動此中策也舉三晉之地通款於梁藉以庇身此策之下者勝輕柔年少笑而不應及孝武帝西遷勝奔梁柔亦從之勝頻上表求歸關中皆柔所作也梁武帝嘉其詞彩遣舍人勞問并遺縑錦後與勝俱還至襄陽齊獻武王遣侯景以輕騎邀之勝及柔懼乃棄船山行羸糧冒險經數百里而復值秋霖從者多凍死大統二年至長安封容城縣男周文帝引爲行臺郎中除從事中郎與郎中蘇綽掌機密沙苑之役大軍屢捷汝潁間爭來歸附書翰往反日百餘牒柔隨機報答皆合事宜進爵爲子果遷中書侍郎兼著作撰起居注後爲黃門侍郎遷中書監周孝閔帝踐阼拜小內史大夫進開府儀同三司卒于官有詩頌碑銘檄表啟數十篇子愷嗣愷字長仁性孝友神清識朗博涉經史能屬文

有幹才周齊王憲引爲記室從憲伐齊說齊柏社鎮下之遷  
小吏部大夫時染工王神歡者以賂自進冢宰宇文護擢爲  
計部下大夫愷諫曰古者登高能賦可爲大夫求賢審官理  
須詳慎今神歡出自染工更無殊異徒以家富自通遂與搢  
紳並列實恐鵜翼之刺聞之外境護竟寢其事轉內史下大  
夫武帝在雲陽宮敕諸屯簡老牛欲以享士愷諫曰昔田子  
方贖老馬君子以爲美談向奉命欲以老牛享士有虧仁政  
帝美其言而止轉禮部大夫爲聘陳使副先是行人多從其  
國禮及愷爲使一依本朝陳人莫能屈建德四年李穆攻拔  
軹關柏崖二鎮命愷作露布帝讀大悅曰盧愷文章大進大  
象元年拜東都吏部大夫隋開皇初加上儀同三司除尙書  
吏部侍郎進爵爲侯仍攝尙書左丞每有敷奏侃然正色雖

逢喜怒不改其常加散騎常侍八年上親考百寮以愷爲上  
固讓不敢受文帝曰當仁不讓何愧之有歲餘拜禮部尙書  
攝吏部尙書事會國子博士何妥與右僕射蘇威不協奏威  
陰事愷坐朋黨除名卒于家

北史

盧潛范陽涿人魏通直散騎侍郎文符之子也潛容貌瓌偉

善談論儀同賀拔勝辟開府行參軍數遷至中外府中兵參  
軍以任事強毅受知於齊世宗天保初除中書舍人以事忤

旨免尋除左民郎中坐譏魏書被禁止清河王岳救江陵以

潛爲岳行臺郎

北齊書

還歷中書黃門侍郎爲奴誣告謀反顯

祖以奴付潛聽處治潛不之責黃門鄭子默言潛爲清河王

岳說梁將侯瑱納賂遺乃杖一百截其鬚

北史

左遷魏郡丞尋

除司州別駕江州刺史所在有善政改揚州道行臺左丞命

偕王琳爲南討經略陳師至屢擊敗之以功加散騎常侍食  
彭城郡幹遷合州刺史仍兼左丞尋進行臺尙書儀同三司  
琳銳意圖南潛以爲未可由是有隙更相表列世祖乃徵琳  
入京而除潛揚州刺史領行臺尙書潛在淮南十三年大樹  
風績爲陳人所憚陳主以書戒其邊將善備之淮南平給復  
十年逮天統武平中徵稅煩雜執政高元海復下令禁漁獵  
人無以自給而宦者陳德信復縱諸商胡之負官責息者妄  
注淮南富家令州縣徵責又敕送突厥馬數千匹于州令土  
豪貴買之錢直始入便出敕括江淮間馬並送官廐民不堪  
其擾頗嗟怨潛隨事撫慰兼行權略州境以甯武平三年徵  
爲五兵尙書揚州吏民因潛斷酒肉信釋民乃大設僧會以  
香花夾道送之潛歎曰正恐不久復來耳未幾陳將吳明徹



侵齊齊乃復以潛爲揚州道行臺尙書

北齊書

四年領軍封

相率援師至陳兵及峴輔相不前潛固爭不得遂病卧陳人

圍壽陽壅芍陂水灌城南討都督王長春率軍次河南皮景

和擁衆十萬次淮北俱不進城遂陷潛及督將五十八人軍

士一萬皆沒焉陳人殺王琳潛及諸將皆囚于東冶尋出之

李駒駭要潛共逃潛以識之者衆恐不免乃曰吾少時遇相

者言當沒吳越安可逃因附書以與其弟而復歎曰壽陽陷

吾本欲以頸血濺城死以佛教禁自殺故荏苒偷生今可死

矣遂不食而死

北史

年五十七其家人求其屍歸以葬之贈開

府儀同三司尙書左僕射兗州刺史無子以弟士邃子元孝

爲嗣士邃字子淹歷侍御史司徒祭酒尙書郎鄴縣令尙書

左右丞吏部郎中出爲中山太守帶定州長史齊亡後卒

北齊書

書

盧辯字景宣范陽涿人累世儒學父靖爲太常丞辯少好學

博通經籍

北周書

正光初舉秀才爲太學博士以大戴禮未有

解詁乃爲之註兄景裕謂曰昔侍中註小戴今爾註大戴庶

纂前修矣節閔帝立除中書舍人持節勞高歡于鄴歡令謁

所立廢帝辯不從歡盛怒誚讓之辯抗言不屈歡異而置之

孝武帝卽位以辯爲廣平王贊師帝避歡逼幸關中辯單騎

從行

北史

帝至長安授給事黃門侍郎領著作朝廷有大議常

預焉趙青雀之亂魏太子出居渭北辯亦不告家人而從行

人服其決尋除太常卿太子少傅魏太子及諸王等皆受業

焉進爵范陽公轉少師時朝章盡失禮儀蕩然辯因時制宜

皆合法度累遷尙書右僕射周世宗卽位進大將軍常幸其

第儒者榮之出爲宜州刺史薨

北周書

諡曰獻配食太祖廟

子慎嗣官復州刺史慎弟銓善騎射官儀同三司

北史

初太祖

欲行周官命蘇綽專掌其事未就而綽卒乃以命辯於是依

周禮建六官置公卿大夫士并撰次朝儀服物多依古禮革

漢魏之法事並施行

北周書

隋開皇初以辯前代名德追封沈

國公辯弟光字景仁性溫謹博覽羣書精於三禮善陰陽解

鐘律兼好玄言孝昌初釋褐司空府參軍事及魏孝武西遷

光舉義于山東乃遙授晉州刺史大統六年攜家西入除丞

相府記室參軍賜爵范陽縣伯俄拜行臺郎中專掌書記改

安息縣伯歷京兆郡守侍中開府儀同三司匠師中大夫進

爵燕郡公虞州刺史行陝州總管府長史卒官周武帝以嘗

受業故贈少傅諡曰簡光之爲京兆郡守也郡舍舊有妖怪

前諸郡將無敢居者光曰吉凶由人妖不妄作遂入居之未幾光所乘馬忽升聽事登牀南首而立其食器復無故自破光並不以介懷亦竟無事註道德經章句行于世光子賁字子徵略涉書記頗解鐘律仕周襲爵燕郡公歷魯陽太守太子少宮尹儀同三司司武上士時隋文帝爲大司馬賁深自推結周宣帝嗣位加開府及隋文帝被顧託特引賁左右帝將至東第百官皆不知所去帝潛令賁部伍仗衛因召公卿而謂曰欲富貴者當相隨來往往偶語欲有去就賁嚴兵而至衆莫敢動出崇陽門至東宮門者拒不納賁諭之不去瞑目叱之門者遂卻旣而帝得人賁恒典宿衛乘閒進說以應天順人之事帝從之及受禪命賁清宮因典宿衛賁乃奏改周旗幟更爲嘉名其青龍騶虞朱雀玄武千秋萬歲之旗皆

賁所創也尋拜散騎常侍兼太子左庶子左領軍將軍及高  
頻蘇威共掌朝政賁甚不平時柱國劉昉被疎忌賁諷昉及  
上柱國元諧李詢華州刺史張賓等謀黜頻威五人相與輔  
政又以晉王上之愛子謀行廢立復私謂皇太子曰賁將數  
謁殿下恐爲上譴願察區區之心謀泄昉等委罪于賓賁公  
卿奏二人罪當死帝以龍潛之舊不忍加誅並除名賓未幾  
卒歲餘賁復爵位檢校太常卿以古樂宮縣七八損益不同  
厯代通儒議無定準乃上表曰般人以上通用五音周武克  
殷得鶉火天駟之應其音用七漢興加應鐘故十六枚而在  
一簾鄭玄注周禮二八十六爲簾此則七八之義其來遠矣  
然世有沿革用捨不同至周武帝復改縣七以林鐘爲宮夫  
樂者政之本也故移風易俗莫善于樂是以吳札觀而辨興

亡然則樂也者所以動天地感鬼神情發于聲安危斯應周武以林鐘爲宮蓋將亡之徵也且林鐘之管卽黃鐘下生之義黃鐘君也而生于臣明於皇朝九五之應又陰者臣也而居君位更顯國家登極之祥斯實冥數相符非關人事臣聞五帝不相沿樂三王不相襲禮此蓋應時改制而不失雅正者也帝竟從之改七縣入黃鐘爲宮詔賁與儀同楊慶和刊定周齊音律未幾厯郢號懷三州刺史在懷州決沁水東注名曰利人渠又派入溫縣名曰溫澗渠以溉舄鹵人賴其利後爲齊州刺史糶官米而自糴坐除名後從幸洛陽帝從容謂曰我始爲大司馬及總百揆頻繁左右與卿足爲恩舊卿若無過位與高頴齊坐與凶人交構由是廢黜言念疇昔之恩復處牧伯之位何乃不思報效以至于此吾不忍殺卿是

屈法申私耳責俯伏陳謝詔復本官後數日對詔失

敘功績有怨言帝大怒謂羣臣曰吾將與責一州觀此殆不

可復用遂廢卒于家

北史

鮮于世榮漁陽人也父寶業爲懷朔鎮將魏武平初贈儀同  
三司祠部尚書朔州刺史世榮少沈敏有器幹魏興和二年  
爲齊高祖親信副都督稍遷平西將軍賜爵石門縣子從顯  
祖討茹茹破稽胡從高岳平郢州除持節河州刺史食朝歌  
縣幹爲肅宗丞相府諮議參軍皇建中除儀同三司武衛將  
軍天統二年加開府除鄭州刺史武平中以平信州賊除領  
軍將軍轉食上黨郡幹從平高思好封義陽王七年後主幸  
晉陽以本官判尚書右僕射事貳北平王北宮留後尋復與  
吏部尚書袁聿修在尚書省檢試舉人因乘馬至雲龍門外

入省北門免官後王圍平陽除領軍將軍世榮雖武人然識

大體見朝危政亂每竊歎之周師將入鄴除領軍大將軍太

子太傅於城西拒戰

北齊書

周武帝使人遺瑪瑙酒鍾世榮立

擊破之周師入鄴諸將皆降世榮獨鳴鼓不輟師敗被執不

屈遂死之子子真武平末假儀同三司

北史

祖鴻勳涿郡范陽人也父慎仕魏歷雁門咸陽太守有能名

卒于金紫光祿大夫贈中書監幽州刺史謚惠侯鴻勳弱冠

與同郡盧文符並爲州主簿僕射臨淮王彧表薦其文學除

奉朝請彧勸詣臨淮謝之鴻勳曰臨淮爲國舉才耳吾何謝

爲彧聞而喜曰吾得其人矣及葛榮南逼出爲防河別將守

滑臺永安初元擢爲東道大使署鴻勳爲子使除東濟北太

守以父老不至官城陽王徽奏爲司徒法曹參軍事乃赴洛



微謂之曰吾聞臨淮相舉竟不到門今來何也鴻勳曰今來

赴職非謝恩轉廷尉正去官歸鄉里以齊高祖徵至并州作

晉祠記官高陽太守以清廉聞天保初卒官

北齊書

平鑒字明達燕郡薊人也祖延魏安平太守父勝安州刺史

鑒少聰敏受學于華陰徐遵明弘農楊文懿通大義而雅有

豪俠氣孝昌末識天下將亂乃之洛陽以馳馬爲業兼習弓

矢夜則復爲胡畫以供衣食

北齊書

聞尒朱榮仗義興師乃率宗

親至晉陽求見陳戡亂安民之策榮奇之署參軍前鋒從平

鞏密除撫軍襄州刺史齊高祖起兵于信都鑒棄州歸高祖

啟授征西懷州刺史

北齊書

或曰授本官齊世宗相魏乃封西

平縣伯遷懷州刺史

北齊書

奏請築城于城西之故軹道以防西

魏師從之西魏師至敗還進開府儀同三司

北齊書

累遷揚州